

百名家詞鈔

名家詞鈔目錄

廬陵 聶先 晉人

纂定

長水 曾王孫 道扶

響泉詞

雲間 徐允哲 西崖

望江南 四調 如夢令

點絳脣 二調 浣溪紗 二調

賦字木蘭花 洛陽春

清平樂 阮郎歸

洞天春

滿宮花

醉花陰

南歌子

紅窓睡

江月晃重山  
二調

夜行船

醉落魄

蝶戀花

一翦梅

一叢花

山亭柳

鵲山溪

滿庭芳

念奴嬌

南浦

望海潮

響泉詞

雲間 徐允哲 西崖

望江南 春

江南好。時節近清明。芳草淡烟游騎暖。綠楊春水畫船輕。山郭賣花聲。

前調 夏

江南好。天氣日初長。翠幕晝垂茶響細。新篁亭絮簾紋涼。風送菱荷香。

前調 秋

江南好。天末動秋風。金井露寒鳴墜葉。銀河雲漢叫飛鴻。愁思月明中。

前調 冬

江南好。積雪滿前村。半閣梅花香入夢。一溪霜月印當門。長笛最消魂。

如夢令 春閨

小閣柳陰春晝媚。柳鶯聲啼溜。無計對芳菲。慵把鴛鴦添繡衫。袖衫袖。只有淚痕依舊。

點絳脣 對雨

一片春痕是誰收。在梅苔上。東風搖颺。愁殺林花放。  
紫燕無聲。偶坐愁相向。憑欄望。昏烟難狀。漠漠迷  
青嶂。

前調 春行

燕剪波紋。游絲幾縷。牽飛絮。綠陰深處。茆屋幽人住。  
行過平橋。芳艸沿溪路。斜日暮。歸禽無數。啼過林  
塘去。

浣溪紗 春思

繡閣湘簾盡日垂。春愁無力曉粧遲。晝長人去燕來

時。自惜別時花已放。最關情處。柳垂絲爲郎憔悴。  
怕郎知。

前調 春景

一縷烟絲蘸綠波。乍晴天氣正微和。春來心事費騰  
那。花砌繡泥裝燕壘。柳拋金縷織鶯梭。夕陽芳艸  
奈愁何。

減字木蘭花 過龍華

龍華深院隱隱高松。迷古殿。塔影當門。應有鐘聲送  
白雲。聽殘啼鳥。花落閒庭春不掃。夜雨禪燈。瀟灑。

人間掛搭僧

洛陽春

送魯山之汝寧

落日夕陽衰草離愁多少。秋風一夜送江潮。却把征帆開了。遙指汝南天。渺暮鴻聲怕。葛陂還接富波城。幾點亂山青遶。

清平樂

楊花

似花如雨。惱亂春無緒。幾度傍簾飛欲住。又被東風扶去。章臺零落人遙。灞陵迷漫長橋。惟有畫樓雙燕。偷閒脚上新巢。



阮郎歸 歸情

綠楊堤畔馬蹄輕。簷前聞鵲聲。歸來天氣已清明。春  
心相向生。鸞鏡啓。篆烟清。相逢無限情。倩他風雨  
暗江城。留君不放行。

洞天春 紅葉

昨夜火龍鏖戰。烏柏青楓燒斷。殘甲敗鱗飛點點。錯  
認桃花片。幽人此際驚見。秋思一番撩亂。又怕宮  
娥霜毫和淚。相思題徧。

清宮怨 對雪

凍烟凝飛鳥絕。一片同雲低壓蕊。宮仙子剪冰花點綴。瑤臺銀闕。酒旗斜樵徑滑。隔岸水聲流咽。盪寒酒力不禁風。好把地爐煨熱。

醉花陰

卽景

峭寒吹雨和風驟。花落苔成繡。把酒對芳園。枝上鶯聲啼過。清明候。惜春無計常春晝。梅子青如豆。記得去年時。簾幙重重。有個人消瘦。

南歌子

舞妓

鴉髻堆微綠。猩唇暈淺霞。茜紅衫子颺輕紗。好似一

庭香霧散桃花嬌態疑飛燕前身住若耶倦依銀  
燭髻鬟斜不數莫愁湖畔舊盧家

紅窓睡 記得

記得春陰曲院迴廊芳樹裏曉鶯啼急篆烟香梟湘  
簾上人倚闌干立執手叮嚀從此日總無限柔情  
離緒和伊難畢杏花衫袖看胭脂紅濕

江月晃重山 田家

高樹綠回榆柳薰風吹遍桑麻黃梅天氣到農家溪  
雨足新水聞鳴蛙學舞燕雛穿屋呼晴鳩婦啼花

臘醅香暖不須賒。長笛晚牛背夕陽斜。

前調 酒家

甕裡舊藏竹葉。壺頭新熟酴醾。杏花深處酒帘垂。風正好。細雨。呌黃鸝。約伴漫携雙屐。掃愁須仗深卮。當前不飲待何時。春漸老。歲月醉鄉遲。

夜行船 春夢

月隱銀床飄素影。鎖重門。綠陰人靜。豈惹花欄鴛鴦。水閣夢裏分明交頸。作意東風偏薄倖。一霎兒把人吹醒。香篆初消。釭花未落。心事不堪重省。

醉落鬼看荷

紅衣翠袖泛清淺。綠波微皺。渚宮擁出嬌娥秀。水面  
風來。香氣飄晴晝。何年小築開靈鷲。藥欄茗椀人  
依舊。幽期恰值秋初逗。心地清涼。月上黃昏後。

蝶戀花春倦

小閣鸚哥頻巧哢。簾外東風。香捲流蘇動。驚起晝眠  
鴛枕夢。魂絲難繫春愁重。低語檀郎春太縱。怪殺  
鶯花。偏受東皇寵。卽做春衣儂做鳳。添絲繡合無些  
縫。

一剪梅

秋閨

暗霜催葉下疎林。記得春陰。又是秋陰。黃花憔悴不勝簪。風也關心。雨也關心。粧樓獨自理寒衾。纔欲拈針。又欲停針。簫郎一去到如今。魚也無音。鴈也無音。

一叢花

苦雨

虛堂簷溜故縱橫。多上竹梧聲。今烟已鎖雕梁燕。更將寒困柳欺鶯。遠樹團昏。空江添腹。不放舊山青。無端一夜旅愁生。鄉夢杳難成。淒淒滴滴黃昏後。酒

醒也城上三更寶鴨香沉銀缸花落無計對天明

山亭柳

與莊澹菴大史索画

斯道誰論南北各殊源元宋後幾人存君是後來摩  
詰董黃足與誰倫一幅溪藤相寄爲寫山村不須  
畫萬山千壑那堂外流水潺湲添些亂石當門修竹  
碧梧蕭酒夕陽掩映頽垣中置方牀道侶相對朝昏

驀山溪

詠柳

勻黃染綠做出春嬌媚幾樹画橋邊蘸晴波濕烟凝  
翠千條萬緒掩映玉樓中長日倦乍三眠又被風扶

起。曉陰絲雨。百轉鶯聲細。何處說風流。記當初、靈和殿裏登高極望。腸斷舊章臺。人去後、絮空飛。飄盡相思淚。

蒲庭芳

聽白壁雙琵琶

細雨停絲。晚烟團暝。一庭涼氣如秋。當筵何事。新曲譜涼州。儂是檀槽太史。青山系司馬。風流花屏外。小窗兒女。紅袖壓簾鉤。回頭千古恨。明妃馬上彈破離愁。奈曲終人遠。青塚空留。莫問南朝。烟樹興亡事。殘月江樓。誰解釋。青衫孤館。清淚不曾收。



念奴嬌

別顧庵西樵兩先生

大江南望見驚濤千里是吾歸路客裏相逢真汗漫  
明月留人不住南浦蘼蕪津亭紅葉多做傷秋緒西  
風快也蒲帆又早飛渡記得剪燭論文紅橋覽勝  
五夜高朋聚可奈離愁殊草草愁絕單衣風露鴈字  
排空櫓聲搖碧落日江村暮故人回望廣陵一片煙  
樹

南浦

送毛西河

空江連海看鷺鷥飛雪接雲平一葉輕帆初批落日

引孤征。燕舞鶯啼如乍。奈分攜離緒。碎填膺。向短長  
亭畔。幾絲烟柳。和淚折還停。猶記夜堂同醉。話良  
宵紅袖。倚銀燈。無那長卿遊倦。歸夢遶滄溟。借問雲  
亭何處也。碧天斜矗。越山青。迺舊遊。回首江東烟樹  
隔西陵。

望海潮 南園雅集

小山叢桂。淇園修竹。都教收拾巖扉。厨似步兵人如  
吏部。同娛水木清輝。路轉釣魚磯。有橋迴藥圃。石繡  
苔衣。拂檻微風坐來。絺綌已先知。佳辰借問何時

正荷香暗透。梧葉將飛。酒足遣愁。閒能作賦。吟成又  
步樓西。高樹早涼歸。便曲肱藉草。鸞鶴同棲。一任浮  
雲百年行樂。莫相違。

繆念齋形曰。徐子不獨以詩名也。其文章兼古人  
之長。書法以晉人爲宗。游戲於丹青。得宋元諸  
名家遺法。讀申江響泉集。知徐子不湮於荒江  
寂寞之鄉也。信夫。

張洮侯彥之曰。我於同里後進。郡城則周子永持。  
青溪則王子令詔。上洋則徐子西崖。皆詞壇中  
之渾金璞玉也。

周應垂綸曰。西崖爲春藻赤幟。響泉詞溫藻芊綿。  
當以一縑酬一字。未爲折閱。

曾道扶

王孫

曰。西崖之詩。毛西河任待菴兩先生

亟稱之矣。西崖之詞。未之聞也。過松陵得一編。於茂倫齋頭讀之。覺長橋蜿蜒。虹亭開豁。皆不足以喻盡其勝矣。

百名家詞鈔總目

甲集四十家 隨到隨刻未及次序

棠村

南礪

橫江

香膽

蔬香

楓香

留村

甯樓

白茅

紫雲

微雲

句雲

香草

影樹

改蟲

珂雪

澹雪

萬卷

竹西

染香

罨畫

雙溪

湖山

攝閒

課鵝

寒山

紅橋

一曲

綺霞

曠觀

團扇

栩栩園

玉艷

仿橘

陶村

南耕

鳳車

梅泚

蕩軒

嚶霞



名家詞鈔目錄

廬陵 聶先 晉人

簾定

長水 曾王孫 道扶

棠村詞

真定 梁清標 蒼巖

望江南 六調 如夢令 二調

生查子 二調 點絳脣 二調

菩薩蠻 二調 卜算子

巫山一段雲 減字木蘭花 二調

海棠春

山花子

眼兒媚

少年遊

杏花天

浪淘沙

金鳳鈎

玉樓春

南鄉子

踏莎行

臨江仙

蝶戀花

釵頭鳳

一翦梅

行香子

柳初新

瓜茉莉

魚遊春水

東風齊着力

滿江紅

二調

玉漏遲

滿庭芳

二調

燭影搖

帝臺春

萬年歡

念奴嬌

四調

桂枝香

綺羅香

春雲怨

喜遷鶯

永遇樂

花心動

大聖樂

過秦樓

洞庭春色

二調

沁園春

賀新郎

玉女搖仙佩

以下二集

美少年

漁家傲

賣花聲

傳言玉女

剔銀燈

柳腰輕

二調

轆轤金井

醉蓬萊

玉簫涼

雨中花慢

揚州慢

珍珠簾

瑣窗寒

月華清

如此江山

氏州第一

畫錦堂

解連環

花發沁園春

望湘人

望海潮

惜餘春慢

摸魚兒

画屏春色

棠村詞

真定 梁清標 蒼巖

望江南

東郊外。暖日水粼粼。一路杏花尋幕燕，幾行楊柳渡溪人。沙細碾車輪。

前調

西村裏。淼淼水拖藍。一縷墟烟青似織，數峰嵐色碧於簪。可喚小江南。

前調

踏青去。遙指綠陰村。斜裊金鞭晴試馬。高燒銀燭夜。  
開樽芳草滯王孫。

前調

休虛度。寒食草青青。荇葉橋邊沽酒路。鞦韆影裏賣。  
花聲金彈打流鶯。

前調

清懽夜。偷眼認檀郎。錦瑟偎燈腸斷句。青絲墮馬內。  
家妝私語口脂香。

前調

燈花剪。襪坐漏偏遲。欲寫烏絲。喚燕子。將輸楸局。倩  
獼兒。薌澤乍聞時。

如夢令

秋夜

露下秋宵方永。睡起殘妝猶靚。携手步虛檐。人面月  
華相映。絕勝絕勝。小立滿身花影。

前調

朝回

翡翠衾寒拖逗。惱殺鷄聲偏驟。帶得御香歸。猶喜曉  
妝纔就。生受生受。正是畫眉時候。

生查子

春閨



河梁別妾時。落葉紛庭榭。春草已芊芊。不見嘶驄馬。  
鸚鵡未知愁。絮語將人罵。小步怨東風。掩淚鞦韆下。

前調 夏夜

蘭湯浴罷時。簫局沉烟縷。偷取遠山青。描作眉兒譜。  
茉莉幾時開。小摘還頻數。香汗等閒消。一陣黃昏雨。

點絳脣 偶贈

歌按涼州。燈前喜識春風面。傍誰庭院。碧玉閨中怨。

淡服新妝。無語頻凝盼。思量徧。幽情一線。付與閒。  
花片。

前調 憶舊

簾押風柔。傷心往事斜陽裏。當年花底。芍藥欄同倚。  
依舊芳菲。歲月看流水。春殘矣。亂紅如綺。草綠人。  
千里。

菩薩蠻 春閨

亂鴉啼處春風曉。流蘇香暖金鈎小。小晴影入窓紗。街。  
頭賣杏花。鴛鴦初睡足。偏墮雲鬟綠。拂鏡試新妝。

低徊問粉郎。

前調 悼亡

玳梁當日棲雙燕。碧桃花下看人面。往事耐思量。銀  
燈照晚粧。寶釧空瑟瑟。愁殺西堂客。腸斷只三聲。  
長更與短更。

卜算子 閨曉

寶鴨被重熏。茉莉香先透。兩兩鴛鴦宿碧紗。私語人  
知否。夜雨裊殘燈。朝露沾羅袖。怪煞開奩促曉粧。  
好夢濃如酒。

巫山一段雲

簫局微溫後。燈篝乍剪時。端相帶笑又佯推。欲睡故遲遲。銀蒜垂簾悄。金釵落枕欹。淡紅怕祿映唇脂。低問小名兒。

減字木蘭花

雨後

秋葵帶露紅滿窓。紗蟬滿樹。不管閒愁。倚杖浮雲度。畫樓。雨絲風片。消受新涼深小院。蝶過誰家閒殺。墻頭夜合花。

前調

夕陽

風吹禾黍。幾陣蕭蕭。山市雨秋。色三分。讓與漁家水。  
竹村。蘚堦獨立。萬戶聲催。砧杵急。柳外寒塘。牛背  
歸來正夕陽。

海棠春

夜雨

寂寥深院。思千縷。陌上柳新黃。纔吐暝色入西樓。雁  
影沈南浦。黃昏燈火無情緒。遣夢到家山。猶阻。惆  
悵打梨花。點點飛窓雨。

山花子

春愁

漫道春風不世情。愁中吹上鬢邊星。歸雁帶來雲外

恨○斷○腸○聲○ 日○暖○平○蕪○晴○牧○馬○月○明○綺○閣○夜○調○笙○無○  
限○韶○光○多○少○淚○共○誰○評○

眼兒媚 春晝

日○射○晴○牕○靜○無○譁○風○裊○柳○枝○斜○有○人○深○院○處○粧○獨○坐○  
門○掩○桃○花○ 追○思○往○日○重○回○首○心○事○付○啼○鴉○隔○牆○笑○  
語○却○疑○春○色○只○在○鄰○家○

少年遊 春愁

啼○鶯○恰○恰○到○窓○紗○幾○縷○曉○烟○斜○此○日○春○城○漢○宮○傳○燭○  
散○入○五○侯○家○ 三○分○春○色○愁○中○度○一○半○在○梨○花○腸○斷○

黃昏酒醒殘月門外卽天涯

杏花天 花朝過金魚池

鶯聲曲岸輕陰乍。春水漲城南臺榭。誰家高結鞦韆架。人在賣花簾下。踏青鞵舊遊重話。記挾彈芳原試馬。杏花小雨西村社。放了東風寬假。

浪淘沙 閨詞

日影舊窓紗。晝靜藏鴉。東風謹護牡丹芽。珠箔深深垂綺戶。便是兒家。嬌小髻雲斜。暗度韶華。春愁不減臉邊霞。繡得雙鴛新畫譜。並蒂荷花。

金鳳鈞

燕來

忽聞燕來何處向樹底雙雙小語。一春消息故人情。  
重不爽佳期唯汝。自憐每被多情誤。頻勸取不須。  
飛去絮泥。啣得爲誰辛苦。空傷人家門戶。

玉樓春

送春

花飛南陌東風暮。腸斷王孫芳草路。綠槐影裏雨初。  
晴黃鳥聲中春暗去。亂山疊疊看無數。故國遙遮。  
雲外樹。一年佳景等閒拋。好夢欲尋無覓處。

南鄉子

春暮



深院雨廉纖。燕子飛來故傍檐。清晝困人無氣力。酣  
酣。淺暈腮痕印枕函。新樣剪輕衫。獨坐凝粧倚鏡  
奩。聞道春風將暮也。厭厭開盡桃花不捲簾。

踏莎行 暮春

鶯囀林梢。蜨沾粉絮。押簾銀蒜牽珠縷。鴛鴦慢揭鬱  
金寒。秋千索挂東風暮。綠暗西園。雁沉南浦。檀郎  
騎馬知何處。章臺街裏。花飛紅粉樓中。三月雨。

臨江仙

初春

花市歌樓簾半捲。六街酒碧燈紅。家家行樂醉春風。

五○陵○年○少○何○處○繫○遊○驄○  
小婦新粧蟬翼巧那知愁

上○睂○峰○垂○垂○柳○色○夕○陽○中○  
陌頭驚見悔却覓侯封。

蝶戀花

朱荔裳觀察招飲觀劇次阮亭韻

榆○莢○風○清○飄○蜀○纈○水○漲○銀○塘○  
纔○過○清○明○節○絳○蠟○金○樽○  
歌○未○歇○柳○花○檻○外○飛○如○雪○  
舊○事○甘○陵○翻○數○闕○今○昔○  
關○情○優○孟○真○奇○絕○絲○管○喁○  
啾○聲○漸○徹○魚○龍○波○底○搖○殘○  
月○

釵頭鳳

閨怨

簾○櫳○悄○流○蘇○小○薰○籠○斜○倚○香○還○裊○  
歡○方○嫩○愁○來○頓○織○

腰○非○舊○湘○裙○爭○寸○褪○褪○褪○  
釵○輕○掉○梅○如○笑○銀○缸○生○  
暈○燈○花○爆○春○將○近○鴻○無○信○天○涯○人○遠○金○錢○難○問○恨○恨○  
恨○

一翦梅

閨詞

宛○宛○水○輪○上○畫○樓○聽○罷○更○籌○薰○罷○衾○裯○畫○眉○人○是○舊○  
風○流○對○面○溫○柔○背○面○嬌○羞○雙○結○燈○花○兩○意○投○一○晌○  
低○頭○半○晌○迴○眸○玉○貌○烟○冷○睡○還○休○倚○了○香○篝○褪○了○蓮○  
勾○

行香子

登齊中小樓

霧斂高旻樓敞無塵捲殘霞恰受斜曛俯凭飛檻遠  
眺城闌看花如繡山如沐草如茵綠窓窈窕碧樹  
繽紛傍朱欄怪石嶙峋奇書堪把濁酒重斟喜冬宜  
雪秋宜月夏宜雲

柳初新

冬詞

晴簷飛雪簾櫳護翠被篆添香縷海棠睡足臉潮微  
暈釵落影橫斜霧紅上瑣窓如許惱侍兒催人匆遽  
纖手牽郎且住怯朝寒枕傍低語眉心頻蹙楚腰  
半軀不盡怨雲愁雨欲起又同偎倚最難聽鸚哥聲

絮。

瓜茉莉 未麗

正苦薰風早。清芬細裊。黃昏後覓枝尋葉。翩翩萼影。  
惹動閒庭蛺蝶。摘來綴寶髻。瑤釵。盈盈暗添笑靨。  
花神有意。巧批了風流牒。新浴罷。晚粧寧帖。斜簪綠  
髻。恰宜襯芙蓉頰。伴鸚鵡枕上。粉脂融浹。衆香國魂  
夢貼。

魚遊春水 上谷立春

東風開曉市。晴照金臺雲氣紫。春來天上。巷陌漸薰

羅綺玉燭長調。禁苑中錦鷲爭試香塵裏。吹笛一聲。  
畫樓獨倚。三輔名城高起。又見髻邊新燕子。青幡  
兼遇燈宵。韶光信美。閨人劃損釵頭鳳。羈客愁傾樽  
內。蟻歸夢如醒。流年似水。

東風齊着力

立春

郊外青幡盤中生菜。人樂時康。惠風布滿。春水瀉橫。  
塘競戲魚龍角。觥朱樓上小婦笙簧。映釵色剪花綵。  
燕香裊羅裳。莫問髻邊霜。百年內能消幾個歡場。  
黛睂巧。畫半醉倚銀缸。肯負籤聲燭影。酬良夜細語。

平章喜公道不分冷暖惟有東皇

滿江紅 栢棠村賞牡丹

春草孤村茅亭立老槐如昨香滿院名花傾國臨風  
綽約三徑纔開佳客至一樽細雨同斟酌嘆十年宦  
海歷風塵空舣閣鐘鼎業波濤惡林壑裏無拘縛  
趁日長人健留連芳萼屋角遠山青欲滴溪邊釣艇  
魚新躍看眼前世事謾關情秋雲薄

前調 悼亡

造物如何遽收拾鴛鴦牒早把香天粉井劫塵埋了

初擬鹿門同載去。那知更踏長安道。到如今。白首送  
青春。真顛倒。蜃市結風鬟。裊午夢醒。槐宮杳想定。  
情良夜。倚燈人小。紫蟹黃英難共醉。都堪摹作淒涼  
稿。對西風。獨立哭斜陽。閒花草。

玉漏遲

閨思

篆烟消錦幄。愁中又聽漏聲催早。卸罷殘粧。繡被暗  
生寒峭。想像前宵好夢。剩瘦影。蘭缸相照。燈暈小。雁  
鴻報到。歸人猶杳。消息試探梅花待漏。洩春光可  
同歡笑。欹枕釵橫。畫樓幾番慵眺。一紙春書寄語問。



白髮近添多少。奩鏡悄。眉峰爲誰頻掃。

滿庭芳 觀女伶演淮陰故事

絳燭清宵。彩雲華館。蠻腰細舞迴風。嬋娟忽變。繡襖  
染猩紅。鎖甲艷分雪色。兜鍪小。雙頰芙蓉。擢瑜映將  
軍紅粉。錦繖黛眉同。登壇當日事。衣冠優孟。寫出  
偏工。嘆英雄佳麗。一樣飄蓬。飛絮落花舊恨。誰憐取  
桃李春穠。乘月夜。衣香人面。莫放酒盃空。

前調 城南泛舟

城繞春流。堤藏蕭寺。人家半倚晴溪。輕風暖日。布穀

數○聲○啼○。一○棹○船○如○天○上○。關○情○處○。岸○草○萋○萋○空○回○首○故○  
園○柳○色○。烟○景○望○中○迷○。依○稀○想○此○日○清○明○近○也○。桃○杏○  
開○時○。嘆○蹉○跎○踪○跡○。物○換○星○移○。舉○網○鮮○鱗○入○手○。開○笑○口○  
聊○醉○春○卮○。酒○闌○後○。斜○陽○駐○馬○。目○斷○畫○橋○西○。

燭影搖紅

正月十四夜

綺○戶○寒○輕○。千○門○不○閉○樓○臺○晚○。麗○譙○吹○歇○罷○。歲○蕤○九○陌○  
香○塵○滿○。何○處○簫○聲○近○遠○。試○華○燈○春○風○庭○院○。閒○身○天○許○  
遊○冶○場○中○。留○連○歌○管○。暗○想○當○年○團○圓○兒○女○清○宵○宴○。  
翠○眉○低○唱○漏○聲○沈○。絳○燭○西○窓○剪○。此○夕○人○移○物○換○。頻○搔○

首霜侵鬢短。月明依舊。火樹光搖。星橋烟煖。

帝臺春

春懷

晴日炙雪初消。池水碧。遊鯉負冰。好鳥窺人。閒愁增  
劇。追憶年時香閣裏。攜手看故山春色。奈而今。惱亂  
東風。偏吹孤客。春猶昔。渾暗擲。人咫尺。何從覓。嘆  
陌上青青。又生芳草。薄暮綠烟如織。湖海氣難。一旦  
減。兒女淚已千行。滴漸近了花朝。怕重提寒食。

萬年歡

元夕

午夜晴煙早。六街燈火。交侵明月。春樹人家。遙傍帝

城○雙○闕○迢○遞○鈿○車○成○列○。顰○羅○袖○膚○光○欺○雪○。春○山○澹○止○  
水○盈○盈○笑○看○簾○幙○風○揭○。清○絲○淒○切○樓○上○少○婦○鳴○箏○  
坐○幽○恨○難○說○。白○馬○金○鞭○知○向○誰○行○遊○歇○。舞○榭○酒○闌○燭○  
滅○。侯○門○閉○內○筵○重○設○。空○竚○望○薄○倖○歸○來○。深○閨○眉○翠○雙○  
結○。

念奴嬌

夏夜

涼○侵○疎○簾○。看○星○河○漸○轉○。頻○催○城○柝○。百○合○香○勻○新○浴○罷○  
月○照○殘○粧○。綽○約○紈○扇○初○停○。冰○肌○無○汗○。重○試○羅○衫○。薄○花○  
陰○携○手○。一○枝○輕○骨○釵○落○。聞○道○世○態○浮○雲○。長○安○棋○局○。

俯仰成今昨。人在瑤臺清露下。消受藤牀珠箔橫笛。  
高樓鳴蟬滿樹。塵事渾拋却。西風轉眼。又驚吹到簾  
閣。

前調

悼亡

啼猿聲裏。正蕭疎一片。霜天秋色。絃續鸞膠看兩兩。  
比翼連枝無別。洛浦珠沉。湘靈瑟冷。剩有寒螢咽。鍾  
情我輩。那堪蘭蕙重折。回首燈火春宵。茗爐佳夕。  
鴛枕偎猶熱。留得零香餘粉在。種就柔腸。千結爲問。  
飛瓊還歸天上。可憶來時節。蠶絲難盡。夢回簾外殘。

月。

前調

過綠柳長廊有感

渟○沱○南○陌○憶○當○年○綠○柳○依○依○堪○折○夾○道○長○條○張○翠○幄○  
清○影○寒○生○六○月○汗○滴○征○衫○塵○飛○驛○路○到○此○清○涼○別○今○  
來○駐○馬○濃○陰○一○旦○殘○缺○聞○道○舊○日○隋○堤○春○來○渭○樹○  
空○有○蟬○聲○咽○可○惜○長○廊○烟○霧○冷○轉○眼○繁○華○銷○歇○莫○問○  
秋○風○樹○猶○如○此○何○况○三○千○髮○長○途○搔○首○愁○聽○枝○上○啼○  
鴉○

前調

寄羅弘載越中

蘭橈畫漿嶺南舟。共泛湖天寥廓。髯客揚舲蘭渚去。  
折柳滕王高閣。江上登樓樽前擊鉢。轉眼分今昨。雲  
山千疊。舊遊頓爾蕭索。聞道戍堞烽烟。戈船鼙鼓。  
宛委軍聲惡。當日應徐無恙否。八口可安林壑。阮瑀  
從軍陳琳草檄。豈歎功名薄。爲詢羅隱。壯懷肯令飄  
泊。

桂枝香

中秋

西風簾幙看花影移階。蕉陰綽約。三五良宵正永。小  
羅杯酌。三年幸訂漁樵侶。伴閒雲輕鷗孤鶴。鹿門夫

婦○竹○溪○賓○友○柴○桑○籬○落○  
任○清○露○涼○侵○袂○薄○對○扶○疎○  
叢○桂○此○景○非○惡○漸○斂○浮○雲○  
夜○半○月○臨○虛○閣○庾○樓○人○坐○  
冰○壺○裏○欲○乘○鸞○飛○向○參○廓○  
且○拚○盡○醉○休○論○塵○世○受○他○  
羈○縛○

綺羅香 十六夜

曉○雪○纔○晴○華○燈○再○耀○粧○點○春○城○如○畫○一○刻○千○金○欲○買○  
良○宵○無○價○曲○闌○倚○檀○口○瑤○笙○六○街○騁○玉○鞭○驕○馬○氣○氤○  
氲○飛○霰○雕○簷○銀○花○釵○色○光○相○射○  
繡○窓○眉○嫵○試○看○似○  
昔○年○京○兆○風○流○重○話○焰○吐○芙○蕖○處○處○酒○旗○歌○榭○橋○邊○



女○笑○倩○人○扶○笛○裏○梅○落○來○堪○把○拋○紅○豆○誰○結○同○心○趁○  
蟾○蜍○漸○下○

春雲怨

問怨

疎○燈○薄○暮○又○一○聲○歸○雁○飛○來○平○楚○門○掩○東○風○塵○生○寶○  
篋○流○年○驚○暗○度○綵○線○慵○拈○燭○花○頻○剪○舊○怨○新○愁○漫○空○  
數○卓○氏○孤○吟○班○姬○團○扇○無○奈○情○耽○悞○王○孫○玉○勒○知○  
何○處○把○三○生○誓○約○翻○雲○覆○雨○去○矣○朱○顏○漸○非○故○零○亂○  
飛○蓬○惱○煞○窓○前○鶯○啼○春○樹○夢○罷○關○山○酒○醒○殘○月○極○日○  
淒○涼○南○浦○

喜遷鶯

夏日遣興

蕉林雨歇。正寶篆香溫。瓶荷芳徹。斐几攤書。湘簾伏  
枕。愁煞利名場客。消受薰籠茶椀。閒度草間飛蝶。最  
愛是。傍蕭蕭疎竹林梢。新月。淒切。關情處。遠樹蟬  
聲。又值清秋節。白墮三杯紅綃一曲。說甚濟時豪傑。  
小構數椽茅屋。圖畫琴尊羅列。且白眼。任花開花落。  
陰晴圓缺。

永遇樂

九日

籬菊凝霜。井梧零露。雁飛平楚。何處秋聲。小庭淅瀝。

無○奈○情○千○縷○登○高○送○月○手○把○茱○萸○生○受○澹○烟○疎○雨○嘆○  
良○時○幾○年○虛○度○總○付○東○華○塵○土○古○今○得○失○人○生○聚○  
散○渾○似○落○英○無○數○戲○馬○臺○空○龍○山○帽○冷○風○月○還○如○許○  
閒○拋○書○帙○笑○引○清○樽○看○取○綠○窓○眉○嫵○莫○更○使○愁○蜂○怨○  
蝶○香○寒○別○浦○

花心動 元夜

上○谷○風○和○夜○溶○溶○香○車○六○街○闐○咽○燈○火○朱○樓○絃○管○清○  
尊○共○賞○太○平○佳○節○誰○家○少○婦○簾○櫳○裏○喧○笑○語○綺○羅○輕○  
揭○客○懷○亂○敞○裘○獨○擁○小○門○殘○雪○閒○把○年○時○細○說○儘○

玉漏聲沈鳳簫吹歇。擘燭春閨眉嫵。紗窓蘭麝。綃幃  
頻熱。無端辜負鴛鴦夢。郎山畔。冷衾如鐵。酒醒處。星  
橋淡烟斜月。

大聖樂

春閨

奩鏡初開。流蘇乍暖。啟窓猶寒。引螺黛巧畫雙眉。寶  
鴨頻添香篆。裊裊輕烟。纔換春衫。傭出手。向梅萼凝  
粧。子細看。繡簾日永。鶯花無賴。珍重芳年。東風又  
到芳草。漸柳色依依。駐錦鞦。語金閨夫婿。椒酒絲勝。  
莫負清歡。世事何憑。韶華易去。一辦飯。依大士前人。

無恙○祝○天○長○地○久○被○底○文○鴛○

過秦樓

吳城雨中

樹○隱○千○章○風○輕○五○兩○堤○畔○人○家○容○與○柴○門○照○水○沙○岸○  
連○檣○一○片○吳○城○烟○雨○遙○望○曉○捲○疎○簾○小○婦○凝○粧○映○窓○  
眉○嫵○嘆○天○涯○客○子○三○千○餘○里○鴈○沉○江○浦○空○聞○說○白○  
苧○江○東○錦○帆○南○國○顛○倒○醉○鄉○歌○舞○寒○林○半○落○霜○葉○猶○  
紅○愁○見○鳬○鷗○孤○嶼○更○羨○高○風○此○邦○孺○子○荒○亭○雲○卿○黃○  
土○問○江○山○萬○古○茫○茫○今○夜○夢○回○何○處○

洞庭春色

次韻寄答松陵徐電發

獨步江東。羣推孝穆。志在千秋。儘詞華潘陸。恁情採  
擷。新聲秦柳。匠意研求。入洛才人。追二俊。遇傾蓋公  
卿。便駐騶。吾衰矣。看中原。鞭弭輪與林丘。當年陳  
琳。阮瑀。草檄處。名滿諸侯。羨扁舟。書劒五湖。烟月春  
城。絲管六代。歌樓樽酒。旗亭風雅會。料此際。歐陽放  
山頭。西陵畔。聽江湖。怒發笑引吳鉤。

前調 歸舟

萬里河梁。五羊歸櫂。夾路春風。看荔枝洲畔。沉香浦  
外。簾開樓閣。帆動艤艫。載得珠江花鳥去。更千步香

薰○雨○袖○濃○斜○陽○岸○正○袍○青○草○綠○衣○染○鵬○紅○  
簾○藏○羅○浮○舊○繭○早○辨○取○舞○蝶○紗○籠○問○踏○歌○蠻○樂○穿○花○遊○女○尋○  
芳○何○地○拾○翠○誰○從○拋○却○南○天○烟○月○暖○喜○北○望○長○安○紫○  
氣○重○驪○歌○裏○聽○蘭○橈○笳○鼓○驚○起○鼉○宮○  
嶺南有千步香草

沁園春  
咏美人足

錦○束○溫○香○羅○藏○暖○玉○行○來○欲○仙○偏○簾○櫳○小○步○風○吹○倒○  
褪○池○塘○淡○竚○苔○點○輕○彈○芳○徑○無○聲○纖○塵○不○動○蕩○漾○湘○  
裙○月○一○彎○鞦○韆○罷○將○跟○兒○慢○拽○笑○倚○郎○肩○登○樓○更○  
怕○春○寒○好○愛○惜○相○偎○把○握○閒○想○嬌○憨○欲○睡○重○纏○繡○帶○

蒙○騰○未○起○半○落○紅○蓮○  
筓○指○留○痕○凌○波○助○態○  
欵○欵○低○徊○  
密○意○傳○描○新○樣○似○寒○梅○瘦○影○掩○映○窓○前○

賀新郎

蛟門納姬次芝麓宗伯韻

錦○幄○紅○霞○卷○賦○催○粧○鵲○橋○已○駕○青○鸞○先○遣○才○子○廣○陵○  
年○尚○少○下○直○墨○華○猶○炫○奩○鏡○伴○烏○絲○蠶○繭○携○得○御○爐○  
香○滿○袖○正○天○生○初○渡○銀○河○淺○京○兆○筆○晴○窓○展○遠○山○  
肯○使○眉○痕○顯○倦○支○頤○流○蘇○低○亞○筠○籠○微○扇○吹○罷○鳳○簫○  
閒○對○奕○亂○局○須○憑○獨○犬○吟○蟋○蟀○西○堂○愁○免○欲○博○琴○臺○  
人○一○笑○解○鷄○裘○好○向○爐○頭○典○蓮○漏○永○蘭○缸○剪○



名媛詩歸  
玉女搖仙珮 暮春泛舟

長堤柳影綠滿東郊。十里芳湖如鏡。舉網烹鮮。行厨  
載酒。重續當年佳興。風月誰偏領。況主人情重。肯虛  
妍景。早尋取青鞋布襪。正是姚黃魏紫。相映無○奈○遇  
知○心○嬌○小○情○癡○勾○人○酩○酊○ 憑仗蘭橈。畫槳簫鼓中  
流。激灩素波千頃。葦曲勝遊。旗亭嘉會。今古風流堪  
竝。城角樓烟暝。怎消得杜牧。踈狂心性。趁落日仙舟  
容與。佳人拾翠。春將去也。君須省。好畱待夜珠光迸。

以下補  
選二集

美少年

齊中芙蓉移自家園喜開甚盛

深院雁來時。紅落青苔冷。爲愛錦城花。移自柴桑徑。  
昨夜一枝開。綽約新粧靚。除得半江秋。留住霜天影。

漁家傲

題王炯客摹黃雀山樵画冊

文獻吳中凋謝了。婁江留得西廬老。茗椀香爐人靜好。  
桐陰悄。閒窗摹出山樵稿。詞客画師稱二妙。蓬萊水淺乾坤小。  
一帶林巒雲浩渺。塵事少。卧遊似傍龍眠曉。

賣花聲

夏日雨中

炎○熇○沾○衣○驟○雨○欵○來○庭○院○洗○京○塵○不○須○紈○扇○涼○颼○入○  
幕○裊○孤○燈○零○亂○喜○天○際○輕○雷○漸○遠○披○襟○襟○坐○朋○輩○  
風○流○蕭○散○遣○閒○情○蠻○牋○茗○椀○最○關○人○意○有○檐○花○紅○綻○  
任○陰○晴○浮○雲○舒○卷○

傳言玉女

春宵

宮○餅○燒○殘○小○閣○落○梅○如○雪○衾○窩○寒○峭○簫○局○熏○纔○熨○釵○  
聲○鬢○影○偷○見○燭○花○雙○結○漏○銅○遲○滴○繡○帷○輕○揭○私○語○  
窗○閒○膩○薇○漿○香○暗○裊○是○鄉○堪○老○萬○斛○閒○愁○歇○鵲○鵲○夢○

穩○莫○使○風○驚○簷○鉄○春○宵○幾○刻○消○磨○人○傑○

剔銀燈

鄧孝威毛大可吳慶伯汪舟次吳志伊徐大文集郎中小飲

黃葉青苔滿砌。菊未老。蟹螯猶美。雪苑鄒枚。江東任  
沈對酒尚堪同醉。萬家樓閣。在一片雁鴻聲裏。太  
史應占星緯。不數山陰修禊。抵掌論文。當筵抽簞。權  
燭早堆紅淚。夜涼如水。莫辜負。帝鄉高會。

柳腰輕

觀邢郎演劇

溶溶三五春宵讌。銀燭照紅牙按。紫雲筵上。袁絢臺  
昨。不數當年奇艷。奏新聲。幾度杯停。趁東風一枝花

顫信是吳儂妙選。問伊那美名誰擅。顰肩揚袖。淺顰低笑。省識芙蓉如面。座中有子野情多。每腸迴舞裙歌扇。

前調 元夕是歲始開火樹之禁

市樓十里香塵滿。金波湧。東風軟。璇霄弛禁。銀花爭絢。陌上疑寒疑暖。列醑讌。三殿魚龍沸。春城九天絃管。是處遊韁堪綰。鈿車輕珮。聲人面。紅燈華髮。綠樽良夜。莫負深杯頻勸。看年少。衣馬縱橫。任消磨酒旗歌板。

轆轤金井 立秋

溼雲成片暑將收。熠燿樹間光小。屋角斜陽早。西風吹到。簾櫳靜悄。香乍送玉簪開了。幾處蘭衣。一庭急雨。炎蒸如掃。流年暗中又耗。看桃笙欲滑。紗幔輕揭。秋入離闌。更榴殘荷老。鴛鴦睡好。怕聽得曉雞頻報。枕畔涼侵。階前露重。簷啼嬌鳥。

醉蓬萊

壽張溫如中丞六秩

想中丞當日節擁西江。澤流南浦。滕閣憑闌。看珠簾飛雨。拂袖歸來。沉槍苔臥。付酒經茶譜。油幕功成。經

綸垂手。烟霞結侶。駘蕩春風。門前列戟。笑引金樽。  
萊衣爭舞。花滿樓臺。道先生初度。將相神仙。公今兼  
矣。更何人堪伍。牙拍清絲。倚燈頻奏。鐃歌朱鷺。

玉簫涼

七夕次陳其年韻

未麗飛香。悵孤影長宵。魂似他鄉。生離何足怨。幸猶  
有津梁。銀河曾否問渡。天邊事。傳說如狂。螢火細。傍  
雲屏羅扇。總助悲涼。年光安仁鬢換。子野情多。歷  
亂儘耐思量。絲絲蕉葉雨。又聞洒疎窗。夜深誰共私  
語。無人處。斜月空廊。還記取。回閣中。燭照殘粧。

雨中花慢

贈陸雲士歸武林

江左詞人。襖被囊詩。京華數載淹留。有二都賦就。紙  
貴神州。戶外車輪嘗滿。句中烟景全收。問王家簞扇  
座上群賢。誰奪先籌。長卿意倦。風雨歸裝。還訪西  
子湖頭。秋色好芙蓉十里。香發汀洲。結社重尋舊侶。  
看山幾醉江樓。莫耽花月。再來燕市。慰我離憂。

揚州慢

寄酬呂半隱同年

廿載遊踪。今來河朔。共君咫尺天涯。有中山名酒。好  
醉趙城花。回首望鄉關。萬里萍浮一葉。躡屨官衙。問



玄亭奇字當傳誰是侯芭

茗溪寄跡夢揚州又泛

仙槎想邗上風流海陵烟月依舊繁華爲我蜀箋寫  
句。画圖裏猶帶烟霞看文成五岳每憐王粲無家。

珍珠簾

壽魏貞菴相國

謝公棋墅栖遲久補袞名齊北斗三事領仙班十漸  
資人口一臥滄浪鷗鷺狎甕斂卻經綸好手消受把  
渠樽羅列圖左書右初度恰是秋清喜池荷凝露  
檐花鋪繡玉脰切銀絲紅襖調冰藕龍馬精神猶健  
暇看綵衣持觴爲壽非謬須慰此蒼生加食進酒

瑣窗寒

清明悼內

冷落繁華。又當禁火。皇州春麗。神傷奉倩。塵積牛床。  
羅綺空零。亂麝粉。薇漿鏡奩。猶剩殘膏膩。任東風浩  
蕩。飄搖素幔。吹人難起。遙睇青郊外。正杏粥初調。  
油車迤邐。輕烟曉散。對此更添憔悴。憶去年花滿。彫  
闌凝粧小立。晴窗倚到。而今細雨梨花。總釀成孤淚。

月華清

中秋

粧閣調笙。高城吹角。湊出沈寥天氣。念老子平生逸  
興。南樓堪醉。小堂前寒咽涼蟬。御溝畔香殘荷芰。天

霽○問○西○風○搖○落○有○無○桂○子○  
且○喜○清○樽○相○對○試○西○洋○  
寶○鏡○不○遺○纖○細○兔○可○分○毛○  
彷彿○瑤○宮○堦○砌○莫○輕○放○一○  
被○  
墮○西○岩○又○凝○竚○隔○年○嘉○會○  
無○寐○任○霓○裳○露○冷○拚○虛○駕○

如此江山 題徐電發楓江漁父圖

棠○舟○衝○破○吳○淞○水○  
瑟瑟○岸○楓○江○葦○  
酒○具○茶○鏡○雲○鬟○雨○  
笠○載○得○半○江○秋○  
思○葦○絲○信○美○任○消○地○  
風○濤○一○竿○鱸○鮓○  
荷○菱○裁○裳○徐○陵○也○  
號○天○隨○子○  
詹○公○任○父○已○往○中○原○  
共○識○汝○烟○波○名○字○  
鬪○鴨○先○生○釣○鰲○狂○客○  
誰○繪○剡○溪○藤○

裏徵書一紙爲勉。出菰蘆客星至矣。漫捲漁筒黃金臺更起。

氏州第一

贈西泠吳舒鳧卽次觀劇原韻

帝里秋晴喜逢越客。小堂笑燃華炬。四座全傾。單辭皆妙。不數掾稱三語。相見頻嗟晚。讓爾詞場獨據。遼左蔡床。魯城絳幔。誰爭旗鼓。優孟衣冠。江左誤演西子湖邊。士女麗句新填。蠻牋立草。漫道吟艷苦。憶前宵涼月下。鵝笙炙重。添桂醕。明日風烟。悵萍分梁園人去。

畫錦堂

贈宋牧仲比部時以楓香詞見示

雪苑才人。相門遺笏。海內大宋爭傳。猶憶當年宿衛。  
衣馬翩翩。壯歲詩書頻折節。英遊把臂滿詞壇。揮毫  
處。擊鉢高吟。題殘十樣蠻牋。長安投綰。爭簞扇。  
一時驅駕群賢。善病園寬沈約。渴類文園。晴窗填就  
花間句。綠樽鑒定米家船。楓香好。詞名讀罷清風祛暑。  
小閣泠然。

解連環

送李武曾之鳳陽次電發韻

帝城急雨。向秋風撼撼。客游西楚。嗟枚叔。雪苑蹉跎。

著短後衣輕。奚囊攜去。小試經綸。伴熊軾。朱轡行部。  
弔濠梁戰壘。是我當年。輶軒過處。問君舌仍在否。  
美翩翩書記。文中之虎。猶憶樂府新篇。展麗句烏絲。  
冷然忘暑。匹馬紅亭。正滿目汀蘆飛絮。一任他崢嶸。  
驃騎如何第五。

花發沁園春

己未初度

冰砌閒門。梅呈新萼。又逢一度駒隙。故園人到。京洛  
樽開。舉酒共澆寒夕。愁將鬢織。驚過眼。都成陳跡。笑  
塵夢未醒。邯鄲。衰遲猶是羈客。十載韶華輕擲。看

平生鬚眉頓減。疇昔人移物換。燕去梁空。翻覺懽場  
蕭瑟。春風將扇。奈往事轉縈胸臆。提舊恨暗逐珍珠。  
蠟盤紅淚同滴。

望湘人

寄懷雲間張帶三同年

悵雨來非舊。老去傷離。曲江朋侶凋謝。滄海生塵。故  
人無恙。每共耆英邀社。三泖烟橫。九峰霞起。人娛清  
夏。更烏衣子弟翩翩。不讓機雲聲價。早見名高洛  
下。執中原鞭弭。爭衡董賈。婉少不如人。頭髮雪霜驚  
乍。何日結伴。聽漁樵話。遙憶山中多暇。把酒向唳鶴。

灘前幾度樽空燈灺

望海潮 贈楊聖期世兄南歸毘陵

家聲鄒魯蘭陵寄跡韶年夙擅才名帝里重游新詞  
滿篋居然六代菁英風木獨含情嘆文人孝子落拓  
江程孔李通門剪燈握手話丁寧吾師昔待承明  
想垂紳正笏海內儀型羈旅江南山頽東國西州涕  
淚縱橫對子更沾纓幸父書可讀數畝堪耕歸去孤  
村莫虛歲月掩柴荆

惜餘春慢 送春



布穀啼殘。野棠開盡。見說綠肥紅瘦。何方繫馬。是處  
提壺。輸與五陵豪右。暗想南陌東阡。草亂青袍。飛花  
眠柳。似徐娘老去風情。今日可還如舊。猶憶得錦  
瑟相偎。画樓頻倚。低唱翠眉微皺。軟紅滿目。風雨無  
端。斷送韶華太陡。試共東君細論。何似休來。來須相  
守。未尋春春已先歸。愁煞曉鐘時候。

摸魚兒

咏窩絲糖次陳其年韻

憶長安昇平節物。坊肆繁華重理。大官珍味流傳久。  
餅餌當年曾嗜。春宵市。空想像。夢華昔日殘編底。今

猶存此看雪片冰絲攢成螺髻貴與蔗漿齒天庖  
饌官監厨娘能記玉盤爭歎佳製詩中載得題酥處  
舊說眉山蘇子誰常似似虞耨侯鯖不數楓亭荔筵  
間瑣事入樂府新題詞人繡口偏覺摹來細

画屏秋色

九日登閣

雨後烘晴日憑檻望萬井烟光如織擊筑聲沈金臺  
砌冷依然秋色壇樹影參差正滿目觚稜丹碧都付  
與登高客看叢菊郊原夕陽宮闕可有柴桑送酒龍  
山邀展寂歷風烟似昔空搔首古今陳迹江天組

練水犀樓櫓。何時休息。碣石館重開。問天。又見詞人  
集。題徧烏絲斑筆。群醉向鱸頭。千載旗亭無恙。點綴  
河○山○蕭○瑟○

汪蛟門

懋麟

曰大司農以勲業名天下所著詩古

文集等身傳世其詩餘雅麗渾成不事雕飾不  
撫拾隱僻深得北宋諸賢遺意予嘗論宋詞有  
三派歐晏正其始秦黃周柳姜史之徒備其盛  
東坡稼軒放乎其言之矣其餘非無單調隻句  
可喜可誦苟求其繼難以哉若今之專事故實  
竄竊幽險神韻索然恐莫知其派之所由矣願  
亟以此詞針砭之

聶晉人

先

曰鈔棠村詞有未盡收佳句如浣溪紗

之鶯聲愁殺畫樓人。憶王孫之細雨孤城盡閉。  
門菩薩蠻之茅店閉。黃昏孤燈何處村。滿庭芳  
之閑消受。幽花文蜨秋水玉簪香。夏初臨之小  
立斜陽。映紗厨。笑看殘粧。蘇幙遮之天意也。知  
離別苦。片片輕雲遮斷人行路。卽置之片玉漱  
玉集中。若相伯仲。至若百字令之道在斯人。晴  
窓高臥。閑卻經綸手。竟是一幅畫中人物。如此  
數闕。惜皆未列全豹。謹爲拈出。